

5. gr.

Við afhendingu vöru skal farmflytjandi taka fjártryggingu að eigin mati til tryggingar greiðslu hins erlenda kaupverðs, ríkissjóðsgjalda og kostnaðar. Er hann ábyrgur gagnvart hinum erlenda eiganda og ríkissjóði, standi innflytjandi eða útflytjandi ekki sjálfur í skilum, sbr. 6. gr.

6. gr.

Fullnaðartollafgreiðsla vöru skal fara fram innan 20 daga frá afhendingu eða útflutningi hennar. Að þeim tíma loknum falla ríkissjóðsgjöld í eindaga og skal reikna dráttarvexti af þeim fram að greiðsludegi. Hafi skil eigi verið gerð innan 30 daga frá afhendingu vöru er tollstjóra heimilt að krefja farmflytjanda um öll áfallin gjöld, auk dráttarvaxta. Dráttarvextir skulu vera þeir sömu og Seðlabanki Íslands ákveður samkvæmt III. kafla vaxtalaga nr. 25/1987.

Við tollafgreiðslu vöru skal innflytjandi eða útflytjandi leggja fram eintak af eyðublaði samkvæmt 4. gr. og fá áritun tollstjóra á það um að fullnaðartollafgreiðsla hafi farið fram.

7. gr.

Tollstarfsmaður skal ekki samþykkja neyðarafgreiðslu samkvæmt reglum þessum, sbr. 2. mgr. 4. gr., nema hann telji að skilyrði reglnanna séu fyrir hendi.

III. KAFLI Almenn ákvæði.

8. gr.

Um greiðslu kostnaðar vegna bráðabirgðatollafgreiðslu svo og vegna vinnu tollstarfsmanna við nauðsynlegt tolleftirlit og tollskoðun vegna tollmeðferðar vöru fer eftir ákvæðum reglugerðar nr. 107/1997, um greiðslu kostnaðar vegna tollafgreiðslu utan almenns afgreiðslutíma eða utan aðaltollhafna og vegna sérstakrar tollmeðferðar vöru.

9. gr.

Reglugerð þessi er sett samkvæmt 21. gr. tollalaga nr. 55/1987, með áorðnum breytingum, til að öðlast gildi frá og með 1. janúar 1998. Frá sama tíma fellur úr gildi reglugerð nr. 64/1991, um bráðabirgðatollafgreiðslur.

Fjármálaráðuneytinu, 22. desember 1997.

F. h. r.

Indriði H. Þorláksson.

Bergþór Magnússon.

REGLUGERÐ

**um breyting á reglugerð nr. 254/1993, um vörugjald af ökutækjum,
með síðari breytingum.**

1. gr.

Við 31. gr. reglugerðarinnar bætist ný málsgrein sem orðast svo:

Nú lækkar fjárhæð vörugjalds frá því sem hún var upphaflega ákveðin, t.d. vegna þess að ökutækið hefur breytt um gjaldflokk við aðvinnslu eða skilyrði reglugerðarinnar til

lækkunar eða niðurfellingar vörugjalds eru fyrir hendi. Skal þá jafnframt lækka, fella niður eða endurgreiða virðisaukaskatt af vörugjaldinu, þó einungis í þeim tilvikum er innflytjandi eða skráður eigandi hafa ekki getað dregið þegar ákvarðaðan virðisaukaskatt frá sem innskatt við virðisaukaskattsuppgjör.

2. gr.

Reglugerð þessi er sett samkvæmt heimild í 28. gr. laga nr. 29/1993, um vörugjald af ökutækjum, eldsneyti ofl., með síðari breytingum, öðlast gildi þegar í stað.

Fjármálaráðuneytinu, 22. desember 1997.

F. h. r.

Indriði H. Þorláksson.

*Bergþór Magnússon.***REGLUGERÐ**

um breytingu á reglugerð nr. 588/1993 um merkingu, auglýsingu og kynningu matvæla, sbr. breytingu nr. 142/1995.

1. gr.

Við 9. gr. bætast tveir nýir tölul. 10. og 11. tl., sem hljóði svo:

10. Sérmerkingum vegna sætuefna, sbr. ákvæði 2. mgr. 13. gr. og 4. mgr. 28. gr., en borðsætuefni skulu merkt samkvæmt ákvæðum reglugerðar um aukefni í matvælum, nr. 579/1993.
11. Magni innihaldsefna eða flokka þeirra, sbr. ákvæði 3. mgr. 12. gr.

2. gr.

Í stað orðsins „hráefna“ í 2. mgr. 12. gr. komi orðið „innihaldsefna“ og í stað 3. mgr.

12. gr. kemur ný mgr. sem hljóði svo:

Ákvæði 2. mgr. eiga ekki við um innihaldsefni eða flokka þeirra þegar:

1. Nettóþyngd efnanna er tilgreind samkvæmt ákvæðum 18. gr.
2. Aðrar sérreglur hafa verið settar um merkingu þeirra eða að sérreglur gera kröfu um að efnið sé í vörunni í tilteknu magni, án þess að sérstök krafa sé gerð um merkingu.
3. Efnin eru notuð í litlu magni sem bragðefni.
4. Efnin koma fram í heiti vörunnar, en hafa ekki áhrif á fæðuval neytenda, þar sem magn þeirra er ekki mikilvægt til að auðkenna vöruna eða aðgreina hana frá öðrum sambærilegum vörum.
5. Innihaldsefni eru þannig að 4. mgr. 24. gr. getur átt við.

3. gr.

Við 13. gr. bætist ný mgr. sem hljóði svo:

Fyrir matvæli sem innihalda sætuefni skal í tengslum við heiti vörunnar koma fram merkingin „Með sætuefni“, en innihaldi varan bæði viðbættan sykurlaus og sætuefni skal merking þessi vera „Með sykri og sætuefni“.